

Զ. Քոչիճյան

ՏՐՈՆՎՈՂ ՊԱՐԱԳԱՆԵՐԸ ՀԱՅԵՐԵՆՈՒՄ

Տրոնվող լրացումների ուսումնասիրման հարցը խիստ կարևոր է, և զարմանալի է, որ հայերենի քերականության մեջ դեռևս իր գիտական լուսարանումը չի գտել, մանավանդ որ ուսական քերականության մեջ այդ ուսումնասիրված ու մշակված հարց է և տեղ է գտել ոչ միայն գիտական աշխատություններում, այլև դպրոցական ձևակերպումներում:

Տրոնվող լրացումների գաղափարը հայերենի քերականության մեջ առաջին անգամ մտցրել է պրոֆեսոր Ա. Ղարիբյանը: Դեռևս 1945 թ. նա գրել է. «...առաջինը է քերականության մեջ սահմանել տրոնվող լրացումների կարգ և ուսուցանել այդ քերականության ամբողջության մեջ՝ կապված հատկապես շարահյուսության հետ (ընդգծումն իմն է— Ղ. Ք.)»¹:

Հետագայում, սակայն, տրոնվող լրացումների ուսումնասիրման հարցով զբաղվողներ չեղան, և մինչև օրս էլ այն անտեսված է: Իսկ նյութին անցնելուց առաջ հարկ ենք համարում խոսել հայերենում լրացումների տրոնմանը նպաստող պայմանների և հանգամանքների մասին:

1. Հայերենում լրացումների տրոնումը առաջին հերթին պայմանավորված է նախադասության անդամների շարահյուսությամբ: Շրջուն շարահյուսության դեպքում տրոնվող անդամներն ավելի հաճախ են պատահում, որովհետև «ոչ իր տեղում» հանդես եկող այս կամ այն անդամը ավելի է շեշտվում, մի տեսակ «առանձնանում» մյուս անդամներից:

Այսպես, օրինակ՝

Միաձուլվենք, վերջ տանք դաշնակցական արյունոտ տիրապետությանը, ստեղծենք մեր նոր աշխարհը՝ հզոր ու ազատ (Ա. Հովսեփյան, «Սիրտ»):

Այս օրինակում ճշգրտ ու ազատ» որոշիչը ետագա է, անմիջապես հաջորդում է իր որոշյալին (աշխարհը): Նման շարահյուսությունն է պատճառ Գարձել, որ որոշիչը շեշտվել և տրոնվել է իր որոշյալից: Սովորական շարահյուսության ժամանակ նա չի տրոնվի: Այսպես՝

Միաձուլվենք, վերջ տանք դաշնակցական արյունոտ տիրապետությանը, ստեղծենք հզոր ու ազատ մեր նոր աշխարհը:

2. Ուսումնասիրությունները ցույց են տալիս, որ տրոնմանը նպաստող նախապայմաններից մեկն էլ լրացման ծավալն է. որքան ծավալուն է լինում լրացման դերում հանդես եկող կապակցությունը, այնքան հավանական է դառնում տրոնումը: Օրինակ՝

Մարտին աղբերը, նրա առջևը նստած, լսում էր (Ավետիք Իսահակյան, «Հեքիաթ»):

Այս նախադասության մեջ ճերա առջևը նստած» լրացումը տրոնվել է

1. Ս. Արոփյանի անվան Հայկական Գիտ. մանկավարժական ինստիտուտի «Գիտական աշխատությունների ժողովածու», № 2, 1945, էջ 187:

ծավալուն բառակապակցությամբ արտահայտված լինելու պատճառով: Որքան փոքրացնենք այդ դերբայական դարձվածի ծավալը, այնքան անհավանական կլինի տրոհումը, իսկ երբ այս լրացումը արտահայտվի միայն գերբայով, տրոհման կարիք չի զգացվի: Կատարվի այսպիսի նախադասություն՝ Մարտին աղբերը նստած լսում էր:

Որ լրացման ծավալուն լինելը նպաստում է նրա տրոհմանը, այդ երևում է նաև նրանից, որ ածականով արտահայտված ետադաս լրացունները (որոշիչ, պարագա) տրոհվում են միայն բազմակիության դեպքում: Օրինակ՝

...Սուսանն ամեն օր անցնում եր Դուկասի սենյակի մոտով ու նորից ետ դառնում՝ տիուր ու սրտաբեկ (Ա. Հովսեփյան, «Սիրտ»):

Այս օրինակում «տիուր և սրտաբեկ» ձևի պարագան տրոհվել է, որովհետև ետադաս է և բազմակի. բազմակի չլինելու դեպքում չի տրոհվի, որովհետև լրացման ծավալը կփոքրանա: Այսպես՝

Այդ օրերին Սուսանն ամեն օր անցնում էր Դուկասի սենյակի մոտով ու նորից ետ դառնում սրտաբեկ:

Այստեղ արդեն նույն ածականով արտահայտված ձևի պարագան չի տրոհվում, որովհետև բազմակի չէ (ծավալուն լրացում չէ):

3. Լրացումների տրոհմանը նպաստում է նաև լրացում համարվող բառի կամ բառակապակցության պարզաբանող բնույթը. որքան որոշակի է լրացման այդ բնույթը, այնքան հավանական է տրոհումը:

Բերենք օրինակ.

Տղամարդիկ... աչքով-ունքով լոնցրին նրան և իրենք դուրս եկան պարտեզ՝ ծառերի տակ (Ստ. Զորյան, «Ջաքարի հարսը»):

Այս նախադասության մեջ «ծառերի տակ» լրացումը տրոհվել է շնորհիվ իր պարզաբանող բնույթի, նա կոնկրետացնում, ավելի որոշակի է դարձնում տեղը:

Հենց թեկուզ այն փաստը, որ բացահայտիչը միշտ էլ տրոհվում է իր բացահայտչալից. խոսում է հօգուտ այն բանի, որ լրացման բացահայտող բնույթը նրա տրոհման հարցում վճռական դեր է կատարում:

4. Տրոհման կարիք զգացվում է նաև այն դեպքում, երբ լրացման ու լրացչալի միջև նրանց հետ քերականորեն չկապակցված բառ կամ բառակապակցություն է ընկնում: Օրինակ.

Վարդանյանը նայեց կոմիսարի՝ անքնությունից կարմրած, ուռած կուպերով աչքերին (Բ. Վերդյան, «Քեզ համար, Լենինդրագ»):

Այս օրինակում գոյականների հատկացուցիչ-հատկացյալ հարաբերություն կա. «Կոմիսարի» բառը «աչքերին» բառի հատկացուցիչն է: Այդ լրացական կապակցության միջև ընկած են հատկացուցչի հետ քերականորեն չկապակցված «անքնությունից կարմրած» և «ուռած կուպերով» կապակցությունները, որոնք և հատկացուցչի տրոհման պատճառ են դարձել:

* * *

Այժմ անդրադառնանք տրոհվող պարագաների հարցին, ցույց տանք նրանց արտահայտման ձևերն ու միջոցները:

1. ՏՐՈՇՎՈՂ ՁԵՎԻ ՊԱՐԱԳԱ

Տրոհվող ձևի պարագաները հանդես են գալիս բազաթիվ ձևերով և մեկը մյուսից տարբեր շարադասությամբ. նայած նախադասությանը, տրոհվող

ձևի պարագաները կարող են լինել նախադաս, միջադաս և վերջադաս: Ինքնուրույն օրինակներ.

Գլուխը բարձր բռնած՝ Արևիկը նայում էր ինչ-որ կետի (Ս. Խանդադյան, «Հողը»):

Ներս է մտնում Հենը՝ հանգիստ և ինքնավստահ քայլերով (Ն. Ջաբրիլ, «Հացավան»):

Կտրված ճակատին՝ ինչպես սրբազան դրոշակ, փայլում էր մի արծաթյա խաչ (Րաֆֆի, «Սամվել»):

Տրոհվող ձևի պարագաները սովորաբար արտահայտվում են.

1. Երբբայական դարձվածներով, որոնցում հանդես են գալիս՝

ա) Հարկադարձ ղերբայ

Ինչպես, օրինակ՝

Թագավորը դուրս եկավ եկեղեցուց՝ շրջապատված եպիսկոպոսներով ու իշխաններով (Մուրացան, «Գ. Մարգարեան»):

Տխուր մտքերով համակված՝ նա մոտեցավ բաց պատուհանին (Ս. Խանդադյան, «Հողը»):

Հագած, կապած գլուխ ու զրահ,

Զիանք հեծած ամենի,

Ահա եկել հավաքվել են

Կտրիճները Կովկասի (Հովհ. Թումանյան, «Փարվանա»):

բ) Անորոշ ղերբայ (գործիական հոլովով)

Սև հեղուկը, ուժգին դուրս բխելով երկրի խորքից, հեղեղում էր բուրգերը, արհեստանոցները, կայարանները և մարդկանց (Շիրվանզադե, «Քառս»):

Գնում էին նրանք մարգագետիններով՝ ականջ դնելով թռչունների ծվվոցին... (Ա. Հովսեփյան, «Սիրտ»):

...Մարա գործի մեջ տեղ զարկեց՝

Շողացնելով թուր կեծակին (Հովհ. Թումանյան,

«Սասունցի Դավիթ»):

2. Տրոհվող ձևի պարագան կարող է արտահայտվել գոյականի գործիական հոլովով և նրան նախորդող բառերով, որոնց հետ այդ գոյականը կապակցության մեջ է մտնում, և որոնք այս կամ այն կերպ լրացնում են այդ գոյականին լրացում համարվող այդ կապակցության ներսում):

Բերենք օրինակ.

...Մարտի մեջ Սուսանի պատկերը տեսնելու երազանքը նրան մղում էր դեպի նա՝ մի անդիմադրելի գոյեղ զգացումով (Ա. Հովսեփյան, «Սիրտ»):

Տղաները ցրվում են իրենց տները՝ մյուս օրը նորից գալու մտադրությամբ (Սա. Ջորյան, «Մի կյանքի պատմություն»):

3. Տրոհվող ձևի պարագան արտահայտվում է նաև ածականով, որն անպայման վերջադաս և բազմակի է լինում: Օրինակ՝

Այդ օրերին Սուսանն ամեն օր անցնում էր Ղուկասի սենյակի մոտով ու նորից նոր դառնում՝ տխուր ու սրտաբեկ (Ա. Հովսեփյան, «Սիրտ»):

Իսկ վրանի մեջ անց ու դարձ էր անում Յիկ Ամրամը՝ միայնակ ու մտախոն (Մուրացան, «Գ. Մարգարեան»):

Ածականներով արտահայտված տրոհվող ձևի պարագաները, ինչպես

երևում է մեր նախադասություններից, արտահայտում են հոգեկան վիճակ, կացություն:

Այսպես՝ առաջին նախադասության մեջ ձևի պարագան է «տխուր ու սրտաբեկ», որը արտահայտում է Սուսանի հոգեվիճակը, ապրումները, իսկ երկրորդում՝ «միայնակ ու մտախոհ», որը արտահայտում է Յիկ Սմրամի հոգեկան վիճակը, ապրումները (նա անց ու դարձ էր անում միայնակ ու մտախոհ):

4. Հաճախ էլ տրոհվող ձևի պարագան արտահայտվում է բառակապակցությամբ, որտեղ բուն լրացումը արտահայտված է լինում տրական հոլովով դրված որևէ գոյականով, իսկ բառակապակցության մյուս բառերը լրացնում են այդ գոյականին՝ ամբողջական դարձնելով բառակապակցությունը: Լրացում հանդիսացող այդ բառակապակցության մեջ տրական հոլովով դրված գոյականի մոտ սովորաբար զգացվում է որևէ հարակատար դերայի կարիք, որը չի օգտագործվում, բայց մտքից հասկացվում է: Օրինակ՝

Սուսանը դուրս եկավ սենյակին կից խոհանոցից՝ վառած մոմը ձեռքին (Ա. Հովսեփյան, «Սիրտ»):

Մտավ էքսպեդիտորը՝ պոստից բերած մի կույտ լրագրեր և ցամակներ ձեռքին (Նար-Դոս, հատ. 1-ին, էջ 45):

Մեկը գալիս է առջևից՝ մի լայն բաց զլխին, մյուսը նրա կողքին՝ մի կապոց բռնած (Սա. Ջորյան, «Մի կյանքի պատմություն»):

Ամենից առաջ գնում էին երևիսները՝ լողանալու փարաջանները ձեռքներին, բոխչան շալակներին (Ա. Հովսեփյան, «Սիրտ»):

Բերված բոլոր օրինակներում ընդգծված կապակցությունները տրոհվող ձևի պարագաներ են, որոնցում տրական հոլովով դրված գոյականների հետ հասկացվում է նաև համապատասխան բայի հարակատար ձևը. այսպես՝ բըռնած (ձեռքին բռնած), դրած (զլխին դրած), գցած (շալակներին գցած):

5. Տրոհվող ձևի պարագան երբևի՜ էլ արտահայտվում է կապով և կապի խնդիր կապակցությամբ: Օրինակ՝

Եվ մի ժամ հետո հեռացա կրկին՝

Արյունի հետքեր՝ ձեռքերիս վրա (Չարենց, «Բնտիր երկեր», 1935 թ., 402):

Դուրս ճոռայով բացվեց և ներս մտավ Գրիգոր Սահակյանը՝ պարկի մեջ փաթաթած կապոցը քեի տակ (Ն. Ջորյան, «Հացավան»):

Այս նախադասություններում «արյունի հետքեր ձեռքերիս վրա» և «պարկի մեջ փաթաթած կապոցը թեի տակ» կապակցությունները, որոնք ձևի պարագաներ են, արտահայտված են կապով և կապի խնդիր կապակցությամբ: Առաջին նախադասության մեջ կապն է վրա (ձեռքերիս վրա), իսկ երկրորդում՝ տակ (կապոցը թեի տակ):

Երբ կապի խնդիրը արտահայտված է լինում անորոշ դերայի տրական հոլովով, նրա հետ, սովորաբար, օգտագործվում է առանց կապը.

Այսպես՝

Առանց նայելու մարդկանց երեսին,

Առանց խոսելու, սեականած, դաժան

Մոտեցավ սրահին, կախ տվեց սնին

Սև հրացանը՝ սև օձի նման (Հովհ. Թումանյան, «Անուշ»):

Առանց ուշ դարձնելու Շուշանիկի հուսահատական ճիչերի վրա՝ նա քաշեց օրիորդին դեպի դուրս (Շիրվանզադե, «Քառոս»):

Մալխասյանցը, առանց նրա ղեմքին նայելու անգամ, ներս մտավ (Նար-Դոս, Վերո հավաք)։

Բերված նախադասություններում ընդգծված բառակապակցությունները տրոհվող ձևի պարագաներ են, որոնք արտահայտված են անորոշ դերբայի արական հոլովով՝ առանց կապի օգնությամբ։ Առանց կապի շնորհիվ է, որ այդ կապակցությունները վերադրվում են ստորոգյալին՝ լրացնելով նրան։ Այդ նույն կապի շնորհիվ է, որ լրացում հանդիսացող կապակցությունները ցույց են տալիս, թե ինչպես ենթական կատարում է բուն գործողությունը (ստորոգյալ) առանց այն գործողության, որ լրացում համարվող կապակցության մեջ տրական հոլովով դրված անորոշ դերբայն է ցույց տալիս։

Այսպես՝

«Մալխասյանցը, առանց նրա ղեմքին նայելու անգամ, ներս մտավ» նախադասության մեջ առանց նրա ղեմքին նայելու անգամ լրացումը ցույց է տալիս, որ ենթական (Մալխասյանցը) գործողությունը (ներս մտնել) կատարում է առանց այն գործողության, որ լրացում համարվող կապակցության դերբայն է ցույց տալիս (նայել)։

Եթե նման նախադասություններում չօգտագործենք առանց նախադրությունը, ապա լրացական կապակցության նույն միտքը պահպանելու համար տրական հոլովով դրված անորոշ դերբայը պետք է արտահայտել նույն դերբայի գործիական հոլովի ժխտական ձևով։ Վերահիշյալ նախադասությունը այս դեպքում կարտահայտվի հետևյալ կերպ։

Մալխասյանցը, չնայելով նրա ղեմքին անգամ, ներս մտավ։

Ինչպես տեսնում ենք, նման ձևափոխությունից ոչնչով չի փոխվում բուն նախադասության միտքը, փոխվում է միայն կապակցության արտահայտման ձևը, բայց այն և՛ բովանդակությամբ, և՛ նախադասության մեջ ունեցած իր պաշտոնով չի փոխվում, մնում է որպես ձևի պարագա, արտահայտելով նույն իմաստը (առանց նրա ղեմքին նայելու անգամ) և չնայելով նրա ղեմքին անգամ)։

Երբ տրոհվող ձևի պարագա կապակցության մեջ հանդես են գալիս նման և պես կապերը, ապա այն համեմատություն է ցույց տալիս։ Բերենք օրինակներ.

Փողոցի անկյունում արդեն վառված լապտերը, հողմածած, ծոկ էր գլուխը և նայում էր շուրջը կեղտոտ ապակիների միջից՝ մարդու ցավազար, նպոտ աչքերի պես (Նար-Դոս, Վերոյն վրա հասավ)։

...Բայց Մալին գլուխը կախ, մնում էր իր բանին՝ քարի պես լուռ ու անտարբեր (նույն տեղում)։

Փոթորիկը, մանուկ Մովսեսի զամբյուղի նման, լողում էր ջրի երեսին (Բաֆֆի, Վարի Մշակին)։

Այս օրինակներում ընդգծված կապակցությունները տրոհվող պարագաներ են, որոնք համեմատություն են ցույց տալիս պես և նման կապերի շնորհիվ։ Առաջին և երկրորդ նախադասություններում հանդես է եկել պես կապը (ամարդու ցավազար ճպոտ աչքերի պես) և քարի պես լուռ ու անտարբեր), իսկ երկրորդում՝ նման (Մանուկ Մովսեսի զամբյուղի նման)։

6. Երբեմն էլ տրոհվող ձևի պարագաները արտահայտվում են բառակապակցություններով, որոնք համեմատություն են ցույց տալիս կարծես, ինչպես, որպես բառերի շնորհիվ։ Օրինակ՝

Տեղեկագիր 12-6

Ու չէր հիշում, թե երբևից էր, որ դադգահր, կարծես խոր քուն մտած, կանգնած էր երգիկի տակ (Նար-Դոս, «Ինչպես բժշկեցին»):

Մակուկի մեջ, լուսնի կաթնագույն լույսի տակ, ինչպես ձյուն, փալլում էր նրա սպիտակ թեթե հանդերձը (Նար-Դոս, «Ես և նա»):

Հիշյալ լեռների հսկայական շրջանակի մեջ, որպես մի սքանչելի պատկեր, երևում էր Մուշի ընդարձակ դաշտավայրը (Բաֆֆի, «Սամվել»):

Այս նախադասություններում ընդգծված լրացումները տրոհվող ձևի պարագաներ են. որոնցից առաջինը համեմատություն է ցույց տալիս կարծես բառի շնորհիվ (կարծես խոր քուն մտած), երկրորդը՝ ինչպես բառի (ինչպես ձյուն), իսկ երրորդը՝ որպես բառի միջոցով (որպես մի սքանչելի պատկեր):

2. ՏՐՈՆՎՈՂ ԺԱՄԱՆԱԿԻ ՊԱՐԱԳԱ

Տրոհվող ժամանակի պարագան ցույց է տալիս գործողության կատարման ժամանակը և արտահայտվում է տարբեր ձևերով:

1. Նա ամենից հաճախ արտահայտվում է դերբայական դարձվածներով, որոնցում հանդես են գալիս՝

ա) Անորոշ դերբայ (գործիական հոլովով)

Օտարականը այդ լսելով՝ գլուխը շարժեց և հեռացավ (Բաֆֆի, «Պարույր Հայկազն»):

Հասնելով կամրջի դիմացի բլրին՝ նրանք կանգ առան (Ա. Հովսեփյան, «Սիրտ»):

Ներսեսի գալն իմանալով՝ Պապը գնաց գահասրահ (Ստ. Զորյան, «Պապ թագավոր»):

Վերահիշյալ նախադասություններում ընդգծված դերբայական դարձվածները ժամանակի պարագայի պաշտոն են կատարում և ցույց են տալիս, որ ենթական հիմնական գործողությունը կատարում է դերբայական դարձվածում հանդես եկող անորոշ դերբայի ցույց տված գործողության կատարումից հետո: Այսպես՝

«Ներսեսի գալն իմանալով՝ Պապը գնաց գահասրահ» նախադասության մեջ Ներսեսի գալն իմանալով տրոհվող ժամանակի պարագան ցույց է տալիս, որ նախադասության ենթական (Պապը) գործողությունը (գնաց) կատարում է պարագա հանդիսացող դերբայական դարձվածում հանդես եկող դերբայի (իմանալով) ցույց տված գործողության կատարումից հետո (առաջ իմանում է Ներսեսի գալը, ապա՝ կատարում հիմնական գործողությունը՝ գնում է գահասրահ):

բ) Ելիս, ալիս (իս) վերջավորությամբ անկատար դերբայ, օրինակ՝

Ու ոչ մի որսկան դեռ իրեն օրում

էնքան գեղեցիկ եղնիկ չէր տեսել՝

Իր որսն անելիս մըթին սարերում (Հովհ. Թումանյան, «Փարվանա»):

Այլևս չկար այն երկուղը, որ պաշարում էր հալ դորականին՝ հազարացու հարձակման լուրը լսելիս (Մուրացան, «Գեորգ Մարգարտունի»):

Այս նախադասություններում ընդգծված տրոհվող ժամանակի պարագաները արտահայտված են դերբայական դարձվածներով, որոնցում հանդես եկող դերբայը անկատար է: Այս ժամանակի պարագաները ցույց են

տալիս, որ ենթական գործողությունը կատարում է անկատար դերբայի ցույց տված գործողության հետ միաժամանակ՝ Այսպես՝

«— Անգլիական է, գրավված է Հյուսիսային Կովկասում՝ ԴԵՆԻԿԻՆԵ ջախջախիս» նախադասության մեջ «Դենիկինին ջախջախիս» պարագան ցույց է տալիս, որ գրավելու գործողությունը (հիմնական գործողություն՝ ստորոգյալ) կատարվել է ջախջախելու գործողության հետ միաժամանակ։

դ) Հարակատար դերբայ, օրինակ՝

Դեռ ներս չմտած՝ ժամկոչի և նրա թոռան երեսին ներսից տաք օդի... խոնավ հոսանք չիչեց... (Նար-Դոս, «Ավետիս»)։

Սակայն դեռ տուճ չհասած՝ հանկարծ ոտքերի մեջ ինչ-որ թուլություն զգաց, մարմինը բռնվեց անախորժ դողով (Ս. Հովսեփյան, «Սիրտ»)։

Մի փոքր անցած՝ ներս մտան Սմբատ և Միքայել Ալիմյանները (Շիր-վանզադե, «Գառ»)։

Ինքնուրույն օրինակներում ընդգծված պարագաները արտահայտված են դերբայական դարձվածներով, որոնցում դերբայը հարակատար է և ժխտական չլինելու դեպքում ցույց է տալիս, որ այդ գործողության կատարումից հետո է կատարվում բուն գործողությունը՝ ստորոգյալի պաշտոն կատարող բայի ցույց տված գործողությունը, ինչպես մեր երրորդ նախադասության մեջ (մի փոքր անցած՝ ներս մտան), իսկ ժխտական չլինելու դեպքում, ինչպես մեր և առաջին երկրորդ նախադասություններում (ներս չմտած, տուճ չհասած), ցույց է տալիս, որ բուն գործողությունը կատարվում է դերբայի ցույց տված գործողության կատարումից առաջ։

2. Տրոհվող ժամանակի պարագաները հաճախ էլ արտահայտում են մոտավոր, անորոշ ժամանակ ցույց տվող բառակապակցությամբ՝ Օրինակ՝

Սակայն մի փոքր անց, իրիցկինը նկատողություն էր անում մի ուրիշ սխալվող աշակերտի (Ստ. Զորյան, «Մի կյանքի պատմություն»)։

Հեռավոր Չինաստանում, մեզանից շատ ժամանակ առաջ, մի կայսր է եղել (Ավ. Իսահակյան, «Չինական մի հին գրույց»)։

3. Տրոհվող ժամանակի պարագան արտահայտվում է նաև բառակապակցությամբ, որտեղ ժամանակի գաղափարը արտահայտվում է անորոշ դերբայի կամ որևէ գոյականի բացառական հոլովով՝ ղեկավարված կտառով կամ օգնությամբ՝ Այսպես՝

Վերջին գործողությունները կատարելուց հետո, նա լիաթեթը ձգեց ծովի մեջ (Բաֆֆի, «Ղարիբ Մշեցին»)։

Մի քանի այդպիսի խոսակցություններից հետո, երիտասարդը հեռացավ, թեև տիկինը շատ ստիպում էր, որ ճաշին իրենց մոտ մնա (Բաֆֆի, «Ուլ էր մեղավոր»)։

Ուսումնասիրությունները ցույց են տալիս, որ տրոհվող ժամանակի պարագան հանդես է գալիս ինչպես նախադաս, այնպես էլ վերջադաս գործածությամբ։

3. ՏՐՈՂՎՈՂ ՊԱՏՃԱՌԻ ՊԱՐԱԳԱ

Տրոհվող պատճառի պարագան ցույց է տալիս ենթակայի գործողության կատարման պատճառը և, սովորաբար, արտահայտվում է դերբայական դարձվածներով, որոնցում հանդես են գալիս՝

ա) Անորոշ դերբայ՝ գործիական հոլովով։ Օրինակ՝

ծրեք օր առաջ ենթարկվելով ծանր խոշտանգումների՝ նրանք այժմ սուր ցավերից չէին կարողանում որևէ շարժում անել (Ա. Հովսեփյան, «Սիրտ»): Տիտանյանը զրադված լինելով հիվանդով՝ չնկատեց եկող ոստիկանին (Գ. Սևունց, «Թևհրան»):

Օրը ուրբաթ լինելով, փաշան չէր գնացել բարձր դուռը (Բաֆֆի, «Հարիւր Մշտին»):

Ինչպես տեսնում ենք, ընդգծված դերբայական դարձվածները, որոնք պատճառի պարագայի պաշտոն են կատարում, ցույց են տալիս, որ այդ դերբայական դարձվածներում հանդես եկող դերբայների ցույց տված գործողությունը պատճառ է դարձել բուն գործողության՝ ենթակայի գործողության կատարման: Մեր երկրորդ նախադասության մեջ հիվանդով դրադված լինելն է եղել պատճառը, որ Տիտանյանը չի նկատել ոստիկանին, իսկ երրորդ նախադասության մեջ օրվա ուրբաթ լինելու պատճառով է, որ փաշան բարձր դուռ չի գնացել:

բ) Հարակատար դերբայ:

Տարված իրենց երգով ու աշխատանքով՝ նրանք չնկատեցին այն սև կերպարանքը, որ կամաց մոտեցավ դռանը (Ա. Հովսեփյան, «Սիրտ»):

Մարիամը, նրա զվարճություններով զմայլված, ամենևին չէր զգում ճանապարհի երկարությունը (Բաֆֆի, «Անմեղ վաճառք»):

Այս օրինակներում ձևի պարագայի պաշտոն կատարող դերբայական դարձվածներում հանդես եկող դերբայները հարակատար են (տարված, զմայլված) և ցույց են տալիս, որ այդ գործողությունն է պատճառ դարձել ստորոգյալի պաշտոն կատարող բայի ցույց տված գործողության կատարման:

2. Տրոհվող պատճառի պարագան երբեմն էլ արտահայտվում է կապով և կապի խնդիր կապակցությամբ. նման դեպքերում, սովորաբար հանդես են գալիս համար կապը կամ պատճառով կապական բառը: Օրինակ՝

Գլուղբաժնի վարիչն սպառնաց նրա հարցը տեղափոխել շրջկոմի բյուրո՝ սիլոսի պլանը չկատարելու համար... (Ս. Պանդազյան, «Հողը»):

Հավաքված արհեստավորները, օրը կիրակի լինելու պատճառով, ջրում և ավելում էին արհեստանոցների առջև... (Ա. Հովսեփյան, «Սիրտ»):

4. ՏՐՈՀՎՈՂ և ՊԱՏՄԱԿԻ ՊԱՐԱԳԱ

Հայերենում տրոհվող նպատակի պարագաներն արտահայտվում են՝

1. Դերբայական դարձվածներով, որոնցում հանդես են գալիս՝

ա) Անորոշ դերբայ՝ տրական հոլովով:

բ) Անորոշ դերբայ՝ գործիական հոլովով:

2. Երբեմն դերբայական դարձվածում հանդես է գալիս համար կապը, որը դրվում է անորոշ դերբայի սեռականի վրա՝ արտահայտելով կապի խնդիր կապակցության պաշտոնը նախադասության մեջ և այն կապելով ստորոգյալի հետ: Օրինակ՝

Գիտեին, որ ուստի բարկության ժամանակ պետք է ձայն չհանել բարկությունը իրենց վրա քափել չտալու համար (Ա. Հովսեփյան, «Սիրտ»):

Համար կապի փոխարեն երբեմն օգտագործվում է նպատակով բառը, որը ճիշտ նույն դերն է կատարում (այս դեպքում), ինչ որ համար կապը: Օրինակ՝

— Ինչքան մարդ է տեղավորվում դահլիճում, — հարցրի Սուրենին՝ նրա հետ ծանոթանալու նպատակով (Ս. Խանզադյան, «Հողը»):

3. Տրոհվող նպատակի պարագան երբեմն էլ արտահայտվում է գոյականի տրական հոլովով:

5. ՏՐՈՀՎՈՂ ՀԻՄՈՒՆՔԻ ՊԱՐԱԳԱ

Տրոհվող հիմունքի պարագան, սովորաբար, արտահայտվում է ծավալուն բառակազմակերպություններով, որոնք ցույց են տալիս ենթակայի գործողության կատարման հիմունքը: Այդ կապակցություններն արտահայտվում են՝

1. Դերբայական դարձվածով, որտեղ հանդես է գալիս գործիական հոլովով անորոշ դերբայ: Օրինակ՝

Ու մարդիկ, նրա խոսքը լսելով, ուրիշ հարսնացու են ընտրում (Ստ. Ջորյան, «Մի կյանքի պատմություն»):

Նախարարներից ոմանք, նրա օրինակին հետևելով, լուրաքանչյուրը ձգտում էր իր իշխանության թագավորը լինել (Բաֆֆի, «Պարույր Հակազն»):

2. Տրոհվող հիմունքի պարագաները հաճախ արտահայտվում են բառակապակցություններով, որոնցում հանդես են գալիս շնորհիվ և համաձայն կապական բառերը, որոնք և արտահայտում են այդ կապակցությունների պաշտոնը (հիմունքի պարագա լինելը) նախադասության մեջ:

6. ՏՐՈՀՎՈՂ ՀԱԿԱՌԱԿ ՀԻՄՈՒՆՔԻ ՊԱՐԱԳԱ

1. Տրոհվող հակառակ հիմունքի պարագաները մեծ մասամբ արտահայտվում են դերբայական դարձվածներով, որոնցում հանդես են գալիս՝

ա) Անորոշ դերբայի գործիական հոլովի ժխտական ձևը: Օրինակ՝

... Կեկելը, չնայելով իր բոլոր վրդովմունքին, սկսեց ակամա կերպով ծիծաղել (Բաֆֆի, «Անմեղ վաճառք»):

Մյուս օրը, չնայելով արևադարձային խոնավ եղանակին, Սահակ Պարթևը և Մեսրոպը վաղ առավոտյան ներկայացան տիկին Մամիկոնյանին (Բաֆֆի, «Սամվել»):

բ) Հարակատար դերբայի ժխտական ձևը. այսպես՝

Չնայած քեռի Ղուկասի փնրփնրոցին՝ Հացավանում Լեոնի հեղինակությունը աճում էր (Ն. Ջորյան, «Հացավան»):

Չնայած սարիքով փոքր՝ պապիս հետ խոսում էր իբրև նրանից մեծ (Ստ. Ջորյան, «Մի կյանքի պատմություն»):

Ինչպես տեսնում ենք, հակառակ հիմունքի պարագայի պաշտոն կատարող դերբայական դարձվածներում հանդես եկող թե՛ անորոշ և թե՛ հարակատար դերբայները ժխտված են չ ժխտական մասնիկի միջոցով:

2. Հակառակ հիմունքի պարագայի պաշտոն կատարող բառակապակցություններում գործածվում են փոխարեն և հակառակ կապերը, որոնք և արտահայտում են այդ կապակցությունների պաշտոնը նախադասության մեջ: Օրինակ՝

Քաղաքի շուկան գնալու փոխարեն՝ նա սալը քռեց և բերեց նեղլիկ մի նրբանցք... (Ա. Հովսեփյան, «Սիրտ»):

Կոլլոդի նախադասը, հակառակ իր սովորության, այսօր նույնպես մոռալ էր (Ն. Ջորյան, «Հացավան»):

Փերեգակ կինը, հակառակ յուր սովորական շատախոսության, այդ րոպեում լուռ էր (Բաֆֆի, «Ղարիբ Մշկցին»):

7. ՏՐՈՂՎՈՂ ՄԻԱՍՆՈՒԹՅԱՆ ՊԱՐԱԳԱ

Տրոհվող միասնության պարագաները արտահայտվում են՝

1. Հետ կապով և կապի խնդիր կապակցությամբ: Օրինակ՝

Մորդովինովը նստեց վերևում՝ կնոջ հետ (Ա. Հովսեփյան, «Սիրտ»):

Ճաշից հետո դուրս եկավ Արշակը՝ Ալեքսեյ Իվանովիչի հետ (Շիրվան-զադե, «Քառոս»):

2. Դուրսի գործիական հոլովով, որն անպայման ետադաս է գործածվում: Օրինակ՝

Ամենից վերջը հասավ Արասը՝ յուր դրանցիկներով ու ազատանդներով... (Մուրացան, «Գեորգ Մարգարտունի»):

...Այստեղ են ապրում պարսից Ջիկ գորավարը և Մերուժան Արծրունին՝ իրենց մարդկանցով, համհարզներով (Ստ. Զորյան, «Պապ թագավոր»):

2. Կապի խնդրով և հետ կապով արտահայտված տրոհվող միասնության պարագայի պաշտոն կատարող կապակցություններում հաճախ գործածվում են միասին կամ միաժամանակ բառերը, որոնք դրվում են հետ կապից անմիջապես հետո: Այսպես՝

Եվ այժմ բանակը, կամովին միացած և գործիքներով զինված շինակաների հետ միասին, հանգստանում էր այդ լեռան լանջին... (Ստ. Զորյան, «Պապ թագավոր»):

Ինչպես միասին, այնպես էլ միաժամանակ բառերը այդպիսի դեպքերում ունեն միայն ոճական նշանակություն և ավելի են շեշտում միասնության գաղափարը, իսկ այդ գաղափարը հիմնականում արտահայտվում է կապի խնդրի և հետ կապի միջոցով:

8. ՏՐՈՂՎՈՂ ՏԵՂԻ ՊԱՐԱԳԱ

Տրոհվող տեղի պարագաներ, սովորաբար, քիչ են պատահում և լինում են միայն ետադաս՝ արտահայտված ծավալուն բառակապակցություններով:

Շարադրելով այս ամենը՝ ամենեին էլ հավանականություն չունենք կարծելու, թե այդ սպառիչ և վերջին խոսքն է այս թեմայի վերաբերյալ՝ Մեր կարծիքով, սույն թեման սպասում է իր մանրակրկիտ ուսումնասիրողին, և հետևողական ուսումնասիրությունը կտա իր դրական արդյունքը: